

# SINLAI 5: 1 Kor. 10:1-13

## THUPI

Israelte a kipan Zillai

## TANGVOM: 10:13

*Pathian zaw a muanhuai hi,  
aman na thuak theih val uh  
khemna na tuah uh a phalkei  
ding; na thuaktheihna ding un  
khemna peuh ah taikhiakna  
lampi a bawlwaw ding hi.*



## TUNI SINLAI DING: 1 KOR. 10:1-13

- 1.** *Unaute aw, hiaite na theihlauh uh ka deihkei, huchi a l pipute tengteng meipi nuai a a omvek ua, a vek ua tuipi leng a kan ua,*
- 2.** *A vek ua mei leh tuipi a Mosi a Baptist lut a a omvek ua, **3.** A vek ua khalam ann kibang a nek chiat ua, **4.** A vek ua khalam dawn ding kibang a dawn chiat uhi. Amaute zui, khalam Suangpi apan a dawn chiat ngal ua; huai Suangpi Khrist ahi. **5.** Himahleh alak ua mi tamzaw tung ah Pathian a lungghi ta kei a; gamdai ah a puklum uhi. **6.** Huan huai thilte ei ding a etton ding ahi, thil gilou a lunggulh bang ua l lunggulh samlouh na ding in. **7.** A lak ua khenkhat milim bemi a hih bang un milim bemi hikei un.*

## TUNI SINLAI DING: 1 KOR. 10:1-13

*“Mipite ne ding leh dawn ding in a tu ua, lam ding in a ding nawn chiat uh” chih gelh bang in. 8. A lak ua khenkhat in nungak a ngai ua, nikhat in singnih leh sangthum in a puklup loh bang un, ikingai sam kei ding uh, 9. A lak ua khenkhat in Toupa a ze-et ua, gul a hihman a a om bang un, Toupa zaw l ze-et kei ding uh. 10. A lak ua khenkhat a phun ua, hihmangthang pa hih manthat a a om bang un, phun samkei ni. 11. Huan, huaite vaukholhna ding in a tung uah a hongtung hi; eite, hun tawp hongtunnate, hon thuhilhna ding a leng gelh ahi uhi. 12. Huaiziak in ding a kingaihtuah pilvang hen, huchilou in zaw a pukkha ding hi.*

## TUNI SINLAI DING: 1 KOR. 10:1-13

**13.** *Mihing thuaktheih val khemna himhim na tung uah a tung ngeikei hi. Pathian zaw a muanhuai hi, aman na thuaktheih val uh khemna na tuah uh a phalkei ding; na thuaktheihna ding un khemna peuh ah taikhiakna lampi a bawl zaw ding hi.*

### **SINLAI 4 Etkikna:**

- Toupa vanzat manpha ihihtheihna ding a kisuuk ek poimoh: mahni kimangngilh & kithunun hinkhua.
- Tup kichian neih, taksa thunun, leh dan omte zuih (discipline)

**SINLAI 5 Etlawkna:** Israelte khangthu a kipan kithunun lou hinkhua a poidan.

# I. ISRAELTE VUALZAWLNA TANTE: 10:1-4

**1.** *Unaute aw, hiaite na theihlauh uh ka deihkei, huchi a l pipute tengteng meipi nuai a a omvek ua, a vek ua tuipi leng a kan ua,*  
**2.** *A vek ua mei leh tuipi a Mosi a Baptist lut a a omvek ua,* **3.** *A vek ua khalam ann kibang a nek chiat ua,* **4.** *A vek ua khalam dawn ding kibang a dawn chiat uhi. Amaute zui, khalam Suangpi apan a dawn chiat ngal ua; huai Suangpi Khrist ahi.*

- **Theihtuak masa:**

- *“huchi in”* (gar) poimohna: Nakpitak a kisuuk a ka panning inleng kipahman mutaklou in ka omkha ding... *“huchi in...”*
- *“Unaute aw:”* Kichimatna, itna leh veina langsaktu ahi.

# I. ISRAELTE VUALZAWLNA TANTE: 10:1-4

- “I pipute:” Israelte genna ahi.

- **Israelte vualzawlna tante:**

- 1. Meipi nuai a omvek uh:**

- Toupa'n a langtang a ompih a, amaute kem leh pi a taisan ngeilou ahihdan chetna ahi.

- 2. Tuipi kan vek uh:**

- Toupa'n a langtang a a thilhihtheihna leh muanhuaina a latsakna ahi.

- 3. Mosi a Baptist lut a omvek uh:**

# I. ISRAELTE VUALZAWLNA TANTE: 10:1-4

- **Baptism:** *identifying with* – genna ahi.
- Mosi pen Pathian in a makai ding ua a seh ahihdan a pomna uh (*identify with*) genna hiding hi.
- Jesu Khrist toh ki identify te'n tangtawn hinna nei ahihdan etsakna dia Mosi toh ki identify a gamchiam luttheihna ding hamphatna nei uh ahihdan genna hiding hi.

## 4. Khalam an-le-tui ne a dawn chiat uh:

- Toupa'n gamdai ah an leh tui pia hi. Salam thil bang mahleh a petu Toupa hi a, Aman hiaite tungtawn a amite toh kinai ut ahihman a *khalam an leh tui* kichi hiding hi.

# I. ISRAELTE VUALZAWLNA TANTE: 10:1-4

**4b.** *Amaute zui, khalam Suangpi apan a dawn chiat ngal ua; huai Suangpi Khrist ahi.*

- ***“Amaute zui, khalam Suangpi:”***

- **Judate ginna:** Mosi in tui a satpawtna suangpi in gamdai a akhualzin sungteng uh zui ahi, chih gingta uhi.

- A ginna pen uh nial tuanlou in, a Suangpi gen pen uh Khrist ahihdan hilhchian zaw hi.

- **Thumal poimoh:** *“a vek un/chiat”*

- Pathian a kipan vualzawlina kibang a vek un tang uhi.

Hamphatna hiai zah tan nung ale *chinlou* a omtheih ahihdan-



## II. ISRAELTE TUNG A VAIHAWMNA & AZIAK: 10:5-12

**5.** *Himahleh alak ua mi tamzaw tung ah Pathian a lunghi ta kei a; gamdai ah a puklum uhi.* **6.** *Huan huai thilte ei ding a etton ding ahi, thil gilou a lunggulh bang ua l lunggulh samlouh na ding in.*

- **“Himahleh...:”** Vualzawlina leh hamphatna hiaizah a tan nung ua leng ginom lou teitei lai uh. Huaiziak a Pathian vaihawmna a tung ua tu.
- **“Gamdai a puklum uh:”** Si chih maimai hilou in, luang photlouh, vuilouh a kitaisan zengzung genna ahi.
- **“Ei ding a etton ding ahi:”** Thupi kisa, lah gentehna lel suak.

## II. ISRAELTE TUNG A VAIHAWMNA & AZIAK: 10:5-12

**7.** *A lak ua khenkhat milim bemi a hih bang un milim bemi hikei un. "Mipite ne ding leh dawn ding in a tu ua, lam ding in a ding nawn chiat uh" chih gelh bang in.* **8.** *A lak ua khenkhat in nungak a ngai ua, nikhat in singnih leh sangthum in a puklup loh bang un, ikingai sam kei ding uh,* **9.** *A lak ua khenkhat in Toupa a ze-et ua, gul a hihman a a om bang un, Toupa zaw l ze-et kei ding uh.* **10.** *A lak ua khenkhat a phun ua, hihmangthang pa hih manthat a a om bang un, phun samkei ni.*

## II. ISRAELTE TUNG A VAIHAWMNA & AZIAK: 10:5-12

### Israelte tung a Toupa thangpaihna ziaak:

#### 1. Milim pathian bia uhi.

- Sinai tang bul ah Mosi omlouh kal in Aron makaih in dangkaeng a bawl bawngnou lim bia in ana nuamtal uhi (Ex.32).
- Mi 3000 in sihloh uhi. Mosi in ngetsak lou hileh Pathian in that chimit ding hi.

#### 2. Kingaihna thanguai a kibual uh.

- **“Kingaihna:”** numei-pasal kal a thanguaina genna ahi.
- Nikhat thu a mi 23000 in sihloh uh. Num.25:1-18 a Moab tanute toh kitenna leh Baal Peor biakna ziaak a site gen hiding hi.

## II. ISRAELTE TUNG A VAIHAWMNA & AZIAK: 10:5-12

### 3. Pathian ze-et uhi.

- Pathian in an-le-tui a poimoh bangbang ua pia hinapi in amau Aigupta sable ngaihthu khawng gen in, Toupa'n bang hon chih himhim hiam chi a chou/ze-et in om uhi.
- Hiai khelhna ziak in alak uah Toupa'n gul gukhakte sawl in, tampi in sihloh uhi (Num.21:4-9).

### 4. Toupa pidan a lungkimlou in phunchiak uhi.

- Gamdai a vak sung ua Israelte phunhat law mahmah uh ahihman in, koimun a a phunna uh gen hiam chih kithei zoulou hi. Himahleh, hih manthat a om uh chih a kigen ziak in Num.14:1-45 (*enkhetute report apan phunna ziak a sihna*) leh Num.16:1-50 (*Korah suante hih manthat ziak a phunna leh gawtna*) te a genna hiding a gintak ahi.

## II. ISRAELTE TUNG A VAIHAWMNA & AZIAK: 10:5-12

**11.** *Huan, huaite vaukholhna ding in a tung uah a hongtung hi; eite, hun tawp hongtunnate, hon thuhilhna ding a leng gelh ahi uhi. 12.* *Huaiziak in ding a kingaihtuah pilvang hen, huchilou in zaw a pukka ding hi.*

### • **Israelte tung a vaihawmna a tunna ziak:**

1. Tounpa vualzawlina hiaizah a tan nung ua, amau kimuang a, Tounpa deihdan zuilou a a gamtat ziak uh.
2. Gingtute a dia vaukholhna hi ding in: **“hichia na om uleh...”**
3. Thuhilhna/sinsakna hi ding in: **“...huaiziak in hichin hong om un.”** **v.12** *“ding a kingaihtuah pilvang hen...a pukka ding.”*

### III: KHAMUANHUAI THUTAWP: 10:13

**13.** *Mihing thuaktheih val khemna himhim na tung uah a tung ngeikei hi. Pathian zaw a muanhuai hi, aman na thuaktheih val uh khemna na tuah uh a phalkei ding; na thuaktheihna ding un khemna peuh ah taikhiakna lampi a bawl zaw ding hi.*

- **Khamuanhuai thutawp:** *“Pathian zaw a muanhuai hi.”*

- **Pathian muanhuaina:**

1. Aman I thuaktheih val khemna I tuah phallou. (*trial/test*)

- **Two responses to trials:**

- Pathian muanhuaina muhna hithei.
- Khemna a hon piluttu hithei.

### III: KHAMUANHUI THUTAWP: 10:13

**Jakob 1:2** *“Ka unaute aw, na ginna uh ze-etna in kuhkalna a siam chih thei in, khemna chiteng na tuah Chiang un kipahna ngen in sim un.”*

**Jakob 1:12-14** *“Khemna thuak teitei mi a hampaha hi; ze-et a om nung in hinna lallukhu, Toupa’n amah itte kiang a a chiam a muh ding ziaak in. Kuamah in khemna a tuahlai in Pathian khem kahi, chikei hen. Pathian gitlauh a khemvual a hi kei, aman leng kuamah a khem kei hi. Michih amau utna a hip leh pimang a a om Chiang un khemna a tuak uh ahi zaw.”*

### III: KHAMUANHUI THUTAWP: 10:13

*Pathian muanhuaina:*

2. Aman khemna a kipan taikhiak theihna ding lampi hon bawlsak ding hi.

- **Leon Morris:** *Mountain pass etsakna*
- **MacArthur:** *“Khemna tengteng suahtakna lampi kibang vek ahi a, huaituh palmualsuah (through) ahi. Pathian in khemna a kipan hon lakhe lou in, hon pal galkai pih hi.”*



# THUKHITNA

- Pathian vualzawlnate gui a, kithunun lou a amah I zuausan leh, I thupinate mite a ding a “gentehna” lel suak thei ahi.
- Paul in Korinthte kiang ah “Israelte khelhna leh puknate thei unlan, amau bang a omlou ding in hong kithunun un aw” chi hi. Hiai thute eite a ding aleng gelh ahi.
- Kithunun zoulou “*Gingtu nungtolh*” chih gingtute lak a a kiza munpen pawl ahi. Himahleh “*gingtu mazap*” ihihtheih nang in vualzohna leh hatna **TOUPA** ah om hi.